

*Statws Golwg cyfnod mewn amser fel yr oedd ar 15/12/2022. Mae'r fersiwn hon o'r hwn (hon) Atodlen yn cynnwys darpariaethau sy'n rhagolygol.*  
*Newidiadau i ddeddfwriaeth: Ar hyn o bryd nid oes unrhyw effeithiau heb eu gweithredu yn hysbys ar gyfer y Deddf Addysg Drydyddol ac Ymchwil (Cymru) 2022, ATODLEN 3. (See end of Document for details)*

PROSPECTIVE

ATODLEN 3

(a gyflwynir gan adran 56)

ASESU ADDYSG UWCH: CORFF DYNODEDIG

RHAN 1

DYNODIAD

*Dynodiad*

- 1 (1) Caiff y Comisiwn ddynodi corff i arfer ei swyddogaethau asesu.
- (2) Ni chaiff y Comisiwn ddynodi corff o dan is-baragraff (1) ond os yw'n ystyried—
- (a) bod y corff yn addas i arfer y swyddogaethau asesu, a
- (b) y byddai dynodi'r corff yn briodol er mwyn sicrhau bod ansawdd addysg uwch a ddarperir gan ddarparwyr addysg drydyddol yng Nghymru yn cael ei asesu'n effeithiol.
- (3) Cyn dynodi corff, rhaid i'r Comisiwn—
- (a) cael cydsyniad Gweinidogion Cymru, a
- (b) ymgynghori—
- (i) â phob darparwr cofrestredig sy'n darparu addysg uwch, a
- (ii) ag unrhyw bersonau eraill y mae'n ystyried eu bod yn briodol.
- (4) Os yw'r Comisiwn yn penderfynu dynodi corff o dan is-baragraff (1), rhaid iddo—
- (a) hysbysu'r corff am y dynodiad cyn y dyddiad y mae'r dynodiad yn cymryd effaith ("y dyddiad effeithiol"), a
- (b) cyhoeddi hysbysiad o'r dynodiad cyn y dyddiad hwnnw.
- (5) Rhaid i'r hysbysiad o'r dynodiad ddatgan—
- (a) enw'r corff, a
- (b) y dyddiad effeithiol.
- (6) Os nad yw Gweinidogion Cymru yn rhoi eu cydsyniad o dan is-baragraff (3)(a), rhaid iddynt gyhoeddi'r rhesymau dros beidio â gwneud hynny.

**Gwybodaeth Cychwyn**

**II** Atod. 3 para. 1 ddim mewn grym ar y Cydsyniad Brenhinol, gweler **a. 148(2)**

*Cyrff sy'n addas i arfer swyddogaethau asesu*

- 2 (1) Mae corff yn addas i arfer y swyddogaethau asesu os yw'r corff yn bodloni'r amodau yn is-baragraff (2).
- (2) Yr amodau yw—

*Statws Golwg cyfnod mewn amser fel yr oedd ar 15/12/2022. Mae'r fersiwn hon o'r hwn (hon) Atodlen yn cynnwys darpariaethau sy'n rhagolygol.*  
**Newidiadau i ddeddfwriaeth:** Ar hyn o bryd nid oes unrhyw effeithiau heb eu gweithredu yn hysbys ar gyfer y Deddf Addysg Drydyddol ac Ymchwil (Cymru) 2022, ATODLEN 3. (See end of Document for details)

- bod y corff yn gallu arfer y swyddogaethau asesu mewn modd effeithiol,
- bod y personau sy'n penderfynu blaenoriaethau strategol y corff yn cynrychioli ystod eang o ddarparwyr cofrestredig sy'n darparu addysg uwch,
- bod gan ddarparwyr cofrestredig sy'n darparu addysg uwch ffydd yn y corff,
- bod y corff yn arfer ei swyddogaethau yn annibynnol ar unrhyw ddarparwr addysg uwch penodol, ac
- bod y corff yn cydsynio i gael ei ddynodi o dan yr Atodlen hon.

#### Gwybodaeth Cychwyn

I2 Atod. 3 para. 2 ddim mewn grym ar y Cydsyniad Brenhinol, gweler [a. 148\(2\)](#)

#### Dileu dynodiad

- (1) Caiff y Comisiwn drwy hysbysiad ddileu dynodiad o dan yr Atodlen hon.
- (2) Rhaid i'r hysbysiad—
  - cynnwys y rhesymau dros benderfyniad y Comisiwn, a
  - pennu'r dyddiad y caiff y dynodiad ei ddileu.
- (3) Ni chaiff y Comisiwn ddileu dynodiad ond—
  - os yw'r Comisiwn wedi ei fodloni y byddai dileu'r dynodiad yn briodol er mwyn sicrhau bod ansawdd addysg uwch a ddarperir gan ddarparwyr addysg drydyddol yng Nghymru yn cael ei asesu'n effeithiol, neu
  - os yw'r corff dynodedig yn cydsynio i'r dynodiad gael ei ddileu.
- (4) Oni bai bod is-baragraff (3)(b) yn gymwys, rhaid i'r Comisiwn, cyn dileu'r dynodiad—
  - cael cydsyniad Gweinidogion Cymru, a
  - ymgyngori—
    - â phob darparwr cofrestredig sy'n darparu addysg uwch, ac
    - ag unrhyw bersonau eraill y mae'n ystyried eu bod yn briodol.
- (5) Rhaid i'r Comisiwn gyhoeddi hysbysiad o dan y paragraff hwn.
- (6) Os nad yw Gweinidogion Cymru yn rhoi eu cydsyniad o dan is-baragraff (4)(a), rhaid iddynt gyhoeddi'r rhesymau dros beidio â gwneud hynny.

#### Gwybodaeth Cychwyn

I3 Atod. 3 para. 3 ddim mewn grym ar y Cydsyniad Brenhinol, gweler [a. 148\(2\)](#)

## RHAN 2

### GORUCHWYLIAETH GAN Y COMISIWN

#### Cymhwyso

- 4 Mae'r Rhan hon yn gymwys os oes corff a ddynodir o dan yr Atodlen hon i arfer y swyddogaethau asesu.

*Statws Golwg cyfnod mewn amser fel yr oedd ar 15/12/2022. Mae'r fersiwn hon o'r hwn (hon) Atodlen yn cynnwys darpariaethau sy'n rhagolygol.*  
*Newidiadau i ddeddfwriaeth: Ar hyn o bryd nid oes unrhyw effeithiau heb eu gweithredu yn hysbys ar gyfer y Deddf Addysg Drydyddol ac Ymchwil (Cymru) 2022, ATODLEN 3. (See end of Document for details)*

#### Gwybodaeth Cychwyn

**I4** Atod. 3 para. 4 ddim mewn grym ar y Cydsyniad Brenhinol, gweler [a. 148\(2\)](#)

#### Pŵer i ddarparu cyllid

5 Caiff y Comisiwn ddarparu cyllid i'r corff dynodedig er mwyn arfer y swyddogaethau asesu.

#### Gwybodaeth Cychwyn

**I5** Atod. 3 para. 5 ddim mewn grym ar y Cydsyniad Brenhinol, gweler [a. 148\(2\)](#)

#### Trefniadau goruchwyllo

6 Rhaid i'r Comisiwn wneud trefniadau er mwyn dwyn y corff dynodedig i gyfrif am arfer y swyddogaethau asesu.

#### Gwybodaeth Cychwyn

**I6** Atod. 3 para. 6 ddim mewn grym ar y Cydsyniad Brenhinol, gweler [a. 148\(2\)](#)

#### Adroddiad blynyddol gan y corff dynodedig

- 7 (1) Cyn gynted ag y bo'n rhesymol ymarferol ar ôl diwedd pob cyfnod adrodd blynyddol, rhaid i'r corff dynodedig lunio adroddiad am arfer y swyddogaethau asesu yn ystod y cyfnod a'i anfon i'r Comisiwn.
- (2) Ystyr "cyfnod adrodd blynyddol", mewn perthynas â chorff dynodedig, yw—
- y cyfnod o 12 mis sy'n dechrau â'r dyddiad effeithiol, a
  - pob cyfnod dilynol o 12 mis.

#### Gwybodaeth Cychwyn

**I7** Atod. 3 para. 7 ddim mewn grym ar y Cydsyniad Brenhinol, gweler [a. 148\(2\)](#)

#### Pŵer y Comisiwn i roi cyfarwyddydau

- 8 (1) Caiff y Comisiwn roi cyfarwyddydau cyffredinol i'r corff dynodedig ynghylch arfer y swyddogaethau asesu.
- (2) Wrth roi'r cyfarwyddydau hynny, rhaid i'r Comisiwn roi sylw i'r angen i ddiogelu—
- arbenigedd y corff dynodedig, a
  - gallu'r corff dynodedig i wneud, neu i wneud trefniadau ar gyfer gwneud, asesiad diduedd o ansawdd yr addysg uwch a ddarperir gan ddarparwr addysg drydyddol.
- (3) Rhaid i'r cyfarwyddydau ymwneud—

*Statws Golwg cyfnod mewn amser fel yr oedd ar 15/12/2022. Mae'r fersiwn hon o'r hwn (hon) Atodlen yn cynnwys darpariaethau sy'n rhagolygol.*  
*Newidiadau i ddeddfwriaeth: Ar hyn o bryd nid oes unrhyw effeithiau heb eu gweithredu yn hysbys ar gyfer y Deddf Addysg Drydyddol ac Ymchwil (Cymru) 2022, ATODLEN 3. (See end of Document for details)*

- (a) â darparwyr addysg drydyddol yng Nghymru sy'n darparu addysg uwch neu ddarparwyr cofrestredig sy'n darparu addysg uwch yn gyffredinol, neu
- (b) â disgrifiad o'r darparwyr hynny.
- (4) Rhaid i'r corff dynodedig gydymffurfio ag unrhyw gyfarwyddydau a roddir o dan y paragraff hwn.

#### Gwybodaeth Cychwyn

**18** Atod. 3 para. 8 ddim mewn grym ar y Cydsyniad Brenhinol, gweler [a. 148\(2\)](#)

#### Dyletswydd y Comisiwn i roi gwybod i Weinidogion Cymru am bryderon sylweddol

- 9 Rhaid i'r Comisiwn roi gwybod i Weinidogion Cymru os oes ganddo bryderon sylweddol ynghylch—
- (a) sut y mae'r corff dynodedig yn arfer y swyddogaethau asesu, neu
- (b) addasrwydd parhaus y corff dynodedig i arfer y swyddogaethau hynny.

#### Gwybodaeth Cychwyn

**19** Atod. 3 para. 9 ddim mewn grym ar y Cydsyniad Brenhinol, gweler [a. 148\(2\)](#)

### RHAN 3

#### PŴER I GODI FFI OEDD

- 10 (1) Caiff y corff dynodedig godi ffi, neu ffioedd, ar unrhyw ddarparwr addysg drydyddol y mae'r corff yn arfer y swyddogaethau asesu mewn perthynas ag ef.
- (2) Rhaid i unrhyw ffioedd a godir gan y corff dynodedig o dan is-baragraff (1) gael eu codi yn unol â chynllun a lunnir ac a gyhoeddir gan y corff dynodedig sy'n nodi—
- (a) y ffioedd a godir gan y corff o dan is-baragraff (1), a
- (b) y sail y cyfrifir y ffioedd hynny arni.
- (3) Caniateir i swm y ffi sy'n daladwy gan unrhyw ddarparwr addysg drydyddol o dan is-baragraff (1) gael ei gyfrifo drwy gyfeirio at gostau yr aed iddynt, neu yr eir iddynt, gan y corff wrth arfer unrhyw un neu ragor o'i swyddogaethau o dan y Ddeddf hon—
- (a) nad ydynt yn gysylltiedig â'r darparwr;
- (b) sy'n cael eu harfer, neu sydd i'w harfer, dros gyfnod a bennir yn y cynllun.
- (4) Ond ni chaiff cyfanswm y ffioedd sy'n daladwy o dan y cynllun mewn unrhyw gyfnod fod yn fwy na'r gost i'r corff dynodedig o arfer ei swyddogaethau o dan y Ddeddf hon yn ystod yr un cyfnod.
- (5) At ddibenion is-baragraff (4), y gost i'r corff dynodedig o arfer ei swyddogaethau o dan y Ddeddf hon yw swm y costau yr aed iddo, neu yr eir iddo, gan y corff dynodedig wrth arfer unrhyw un neu ragor o'i swyddogaethau o dan y Ddeddf hon mewn unrhyw gyfnod penodol, llai unrhyw gyllid a geir gan y corff o dan baragraff 5 o'r Atodlen hon yn yr un cyfnod.
- (6) Caiff y corff dynodedig ddiwygio'r cynllun.

*Statws Golwg cyfnod mewn amser fel yr oedd ar 15/12/2022. Mae'r fersiwn hon o'r hwn (hon) Atodlen yn cynnwys darpariaethau sy'n rhagolygol.*  
*Newidiadau i ddeddfwriaeth: Ar hyn o bryd nid oes unrhyw effeithiau heb eu gweithredu yn hysbys ar gyfer y Deddf Addysg Drydyddol ac Ymchwil (Cymru) 2022, ATODLEN 3. (See end of Document for details)*

(7) Mae'r cynllun (ac unrhyw gynllun diwygiedig) i'w drin fel pe na bai ond yn cael effaith os yw wedi ei gymeradwyo gan y Comisiwn.

#### Gwybodaeth Cychwyn

I10 Atod. 3 para. 10 ddim mewn grym ar y Cydsyniad Brenhinol, gweler [a. 148\(2\)](#)

## RHAN 4

### DEHONGLI

11 (1) Yn yr Atodlen hon—

ystyr “corff dynodedig” (“*designated body*”) yw corff sydd am y tro wedi ei ddynodi o dan yr Atodlen hon;

mae i “y dyddiad effeithiol” (“*the effective date*”), mewn perthynas â chorff dynodedig, yr ystyr a roddir ym mharagraff 1;

mae i “y swyddogaethau asesu” (“*the assessment functions*”) yr ystyr a roddir yn adran 56(2).

(2) Mae cyfeiriadau yn yr Atodlen hon at gorff sy'n addas i arfer y swyddogaethau asesu i'w darllen yn unol â pharagraff 2.

#### Gwybodaeth Cychwyn

I11 Atod. 3 para. 11 ddim mewn grym ar y Cydsyniad Brenhinol, gweler [a. 148\(2\)](#)

**Statws**

Golwg cyfnod mewn amser fel yr oedd ar 15/12/2022. Mae'r fersiwn hon o'r hwn (hon) Atodlen yn cynnwys darpariaethau sy'n rhagolygol.

**Newidiadau i ddeddfwriaeth:**

Ar hyn o bryd nid oes unrhyw effeithiau heb eu gweithredu yn hysbys ar gyfer y Deddf Addysg Drydyddol ac Ymchwil (Cymru) 2022, ATODLEN 3.